

## ოფერს ქარდით სარგებლობისა და შპს „ოფერს ქარდ“-ის მომსახურების წესები და პირობები

### განცხადებები და გარანტიები:

„ოფერს ქარდის“ ვებ გვერდზე ([www.offerscard.ge](http://www.offerscard.ge) ) ან მობილურ აპლიკაციაში რეგისტრაციითა და ავტორიზაციით მომხმარებელი აცხადებს და ადასტურებს, რომ:

- გაეცნო და ეთანხმება „ოფერს ქარდით“ მომსახურების წესებსა და პირობებს, ასევე პერსონალურ მონაცემთა დაცვის პოლიტიკას;
- მომხმარებელი გამოხატავს თანხმობას რომ რეგულარულად ეწვევა და გაეცნობა ნებისმიერ ცვლილებას „ოფერს ქარდით“ მომსახურების წესებსა და პირობებს, ასევე პერსონალურ მონაცემთა დაცვის პოლიტიკას; ხოლო თუკი ის არ ეთანხმება აღნიშნულს უფლება აქვს შეწყვიტოს „ოფერს ქარდით“ სარგებლობა;
- მომხმარებელი (ფიზიკური პირი) აცხადებს და ადასტურებს, რომ რეგისტრაციის მომენტისთვის ის არის სრულწლოვანი (18 წელს ასაკს მიღწეული პირი),
- მომხმარებელი (იურიდიული პირი) აცხადებს, რომ არის მოქმედი კანონმდებლობის შესაბამისად რეგისტრირებული იურიდიული პირი;
- მომხმარებელი ადასტურებს მის მიერ მიწოდებული ინფორმაციის სიზუსტესა და სისწორეს;
- მომხმარებელი ადასტურებს, რომ არ განახორციელებს მოქმედი კანონმდებლობით აკრძალულ ქმედებას;
- მომხმარებელი თანხმდება, რომ ის უშუალოდ თვითონ არის პასუხისმგებელი მისი ანგარიშიდან განხორციელებულ ნებისმიერ ქმედებაზე;
- მომხმარებელი ადასტურებს, რომ დაიცავს „ოფერს ქარდით“ მომსახურების წესებსა და პირობებს;
- მომხმარებელი ადასტურებს რომ არ არღვევს მოქმედ კანონმდებლობასა და სხვა პირთა უფლებებს;
- მომხმარებელი ვალდებულია შპს „ოფერს ქარდს“ აუნაზღაუროს მოქმედი კანონმდებლობისა და ასევე ოფერს ქარდით სარგებლობისა და შპს „ოფერს ქარდ“-ის მომსახურების წესებისა და პირობების დარღვევით, როგორც განზრახი ისე გაუფრთხილებლობით მიყენებული ზიანი სრულად;
- მომხმარებელი ადასტურებს რომ არის სრული ქმედუნარიანობის მქონე პირი და მოქმედებს მისი ნამდვილი ნების საფუძველზე;

- მომხმარებელი აცხადებს თანხმობას, რომ იგი სააქციო შეთავაზებებით სარგებლობისთვის ვალდებულია დაეთანხმოს ამავე შეთავაზების შესაბამის პირობებს;

თუ არ ეთანხმებით ოფერს ქარდით სარგებლობისა და შპს „ოფერს ქარდ“-ის მომსახურების წესებსა და პირობებს, ასევე პერსონალურ მონაცემთა დაცვის პოლიტიკას, დაუყოვნებლივ შეწყვიტეთ ვებ-გვერდით ასევე მობილური აპლიკაციით სარგებლობა, ასევე სააქციო შეთავაზებებით სარგებლობა;

გთხოვთ ყურადღებით გაეცნოთ ქვემოთ არსებულ წესებსა და პირობებს:

#### **პრეამბულა**

ერთი მხრივ, იურიდიული პირი შპს „ოფერს ქარდ“ (ს.ნ 417905716), (შემდგომში - „კომპანია“/„პლატფორმა“) და მეორეს მხრივ, ფიზიკური ან იურიდიული პირი (შემდგომში - „მომხმარებელი“), რომელიც სარგებლობს შპს „ოფერს ქარდ“-ის მომსახურებით და აცხადებს თანხმობას წინამდებარე წესებსა და პირობებზე და ასევე თანხმდება შემდეგზე:

#### **მუხლი 1. ტერმინთა განმარტება:**

1.1 **მხარეები** - კომპანია (შპს „ოფერს ქარდ“/„პლატფორმა“), მომხმარებელი და კომპანიის პარტნიორი პირი;

1.2. **მომხმარებელი** - ამ წესების საფუძველზე, რეგისტრირებული ნებისმიერი იურიდიული პირი, ასევე ნებისმიერი სრულწლოვანი (18 წლის ასაკს მიღწეული) ფიზიკური პირი;

1.3. **პლატფორმა** - კომპანიის მიერ ოპერირებული ვებგვერდი [www.offerscard.ge](http://www.offerscard.ge) და მობილური აპლიკაცია;

1.4. პირადი კაბინეტი/ანგარიში/პროფილი - მომხმარებლის მიერ ვებ-გვერდზე ([www.offerscard.ge](http://www.offerscard.ge)) ან მობილურ აპლიკაციაში რეგისტრირებული ანგარიში;

1.5. რეგისტრაცია - მომხმარებლის მიერ ვებ-გვერდზე ([www.offerscard.ge](http://www.offerscard.ge)) ან მობილურ აპლიკაციაში შესაბამისი პროცედურების გავლით რეგისტრაცია;

1.6. რეგისტრაციის პროცედურა - მომხმარებლის სახელი, გვარი, ელ. ფოსტის მისამართი, რომლის საშუალებითაც ხდება რეგისტრაცია ვებ-გვერდზე ([www.offerscard.ge](http://www.offerscard.ge)) ან მობილურ აპლიკაციაში, შესაბამისი შეთავაზებებით სარგებლობის მიზნით;

1.7. ავტორიზაცია - რეგისტრირებული მომხმარებლის მიერ პირად კაბინეტზე/ანგარიშზე/პროფილზე შესვლა/წვდომა;

1.8. ოპერაცია - მომხმარებლის მიერ მის ანგარიშთან/პირად კაბინეტთან/ანგარიშთან/პროფილთან დაკავშირებული ნებისმიერი ქმედება;

1.9. ყოველთვიური მომსახურების საფასური („ოფერს ქარდის“ სერვისის გამოწერათვის) - კომპანიის მიერ დაწესებული ყოველთვიურად გადასახდელი თანხა რომელსაც მომხმარებელი იხდის, რომ ისარგებლოს შესაბამისი თვის განმავლობაში სხვადასხვა შეთავაზებით/აქციებით;

1.10. მომხმარებლის ოფერს ქარდის უნიკალური პირადი QR კოდი - ფასდაკლების, ასევე სხვადასხვა აქციისა თუ შეთავაზებების მისაღებად წარსადგენი უნიკალური კოდი „ოფერს ქარდის“ პარტნიორ პირებთან, (რომელიც შეიძლება იყოს, როგორც მუდმივი, ასევე ინდივიდუალური შესაბამისი შეთავაზების/შეთავაზებებისთვის) რომლითაც ხდება მომხმარებლის იდენტიფიცირება და რომელიც აქტიურია მხოლოდ მაშინ თუკი მომხმარებელს გადახდილი აქვს ყოველთვიური მომსახურების საფასური („ოფერს ქარდის“ სერვისის გამოწერისთვის);

1.11. მომხმარებლის უნიკალური ოფერს ქარდის პირადი QR კოდის აქტივაციის ვადა - დროის ის მონაკვეთი რა პერიოდისთვისაც მომხმარებელს გადახდილი აქვს ყოველთვიური მომსახურების საფასური „ოფერს ქარდის“ სერვისის გამოწერისთვის;

1.12. **პარტნიორი პირი** - ნებისმიერი იურიდიული ან ფიზიკური პირი, რომელიც სთავაზობს „ოფერს ქარდის“ მომხმარებლებს სხვადასხვა აქციებსა თუ ფასდაკლებებს;

1.13. **სააქციო შეთავაზება** - „ოფერს ქარდის“ პარტნიორის მიერ საკუთარ საქონელსა თუ მომსახურებაზე შეთავაზებული სხვადასხვა აქტივობა, (აქცია თუ ფასდაკლება) რომლის შესახებაც ინფორმაცია ქვეყნდება „ოფერს ქარდის“ ვებ-გვერდზე, ასევე მობილურ აპლიკაციაში და რომლითაც სარგებლობა შეუძლია მხოლოდ „ოფერს ქარდის“ სერვისის გამოწერ მომხმარებელს;

1.14. **სააქციო შეთავაზების დრო** - დროის ის მონაკვეთი, რომლის განმავლობაშიც მომხმარებელს უფლება ექნება გამოიყენოს შესაბამისი სააქციო შეთავაზება (მაგალითად: აქცია ან/და ფასდაკლება) ერთჯერადად ან მრავალჯერადად, როგორც მითითებული იქნება შესაბამის შეთავაზების აღწერილობაში;

1.15. **სააქციო შეთავაზების გამოყენების პირობები** - „ოფერს ქარდის“ პარტნიორი პირების მიერ სხვადასხვა შეთავაზებების (მაგალითად: აქცია ან/და ფასდაკლება) გამოყენების წესები და პირობები, რომელიც ამავე შეთავაზების აღწერილობაშია მითითებული;

1.16. **გამყიდველი** - „ოფერს ქარდის“ პარტნიორი პირი, რომელიც „ოფერს ქარდის“ მომხმარებლებს [www.offerscard.ge](http://www.offerscard.ge)-ზე და მობილურ აპლიკაციაში სთავაზობს სააქციო შეთავაზებებს (რომელი შეთავაზებებისც ასახულია ვებ-გვერდზე და მობილურ აპლიკაციაში);

1.17. **„ოფერს ქარდის“ სერვისის გამოწერა** - გამოწერაზე დამყარებული შეთავაზებების პროგრამა, რომელიც ყოველთვიური მომსახურების საფასურის გადახდის შედეგად რეგისტრირებულ მომხმარებლებს სთავაზობს სხვადასხვა ექსკლუზიურ სააქციო შეთავაზებებს მის პარტნიორ პირებთან;

## **მუხლი 2. ხელშეკრულების საგანი**

- 2.1. წინამდებარე ხელშეკრულება არეგულირებს მხარეებს შორის არსებულ ურთიერთობას, რომელიც წარმოიშობა ამ ხელშეკრულების შესაბამისად;
- 2.2. ხელშეკრულების საგანს წარმოადგენს შპს „ოფერს ქარდის“ მიერ მომხმარებლისათვის სხვადასხვა სააქციო შეთავაზებების (აქციები და ფასდაკლებები) შეთავაზება მის პარტნიორ პირებთან, ვებ-გვერდზე ან/და მობილურ აპლიკაციაში განსაზღვრული პირობებით;

### **მუხლი 3. რეგისტრაციის წესი და პირადი კაბინეტის/ანგარიშის/პროფილის მართვა**

- 3.1. რეგისტრაციის მიზნით მომხმარებელი „ოფერს ქარდის“ ვებ-გვერდზე [www.offerscard.ge](http://www.offerscard.ge) ან მობილურ აპლიკაციაში ავსებს შემდეგ მონაცემებს: სახელი, გვარი, ელ.ფოსტის მისამართი (ფიზიკური პირი), სახელწოდება და ელ.ფოსტის მისამართი (იურიდიული პირი). ინფორმაციის შევსების შემდეგ მითითებულ ელ.ფოსტაზე იგზავნება ვერიფიკაციის კოდი/ლინკი, რისი გამოყენების შემდეგაც მოხდება მომხმარებლის აქტივაცია;
- 3.2. რეგისტრაციის დასრულების მიზნით საჭიროა, რომ მომხმარებელი გაეცნოს და დაეთანხმოს ვებ-გვერდით/მობილური აპლიკაციით სარგებლობის წესებსა და პირობებს, ასევე პერსონალურ მონაცემთა დაცვის პოლიტიკას;
- 3.3. რეგისტრაციის შემდგომ მომხმარებელი უფლებამოსილია მოახდინოს პროფილის რედაქტირება (სახელი, გვარის, ელ.ფოსტის ცვლილება);
- 3.4. რეგისტრაციის გავლით მომხმარებელი ადასტურებს რომ (ფიზიკური პირი) არის სრულწლოვანი (18 წლის ასაკს მიღწეული პირი). კომპანია არ არის პასუხისმგებელი მომხმარებლის მიერ, არასწორი ან არაზუსტი მონაცემების შეყვანით გამოწვეულ ზიანზე;
- 3.5. მომხმარებელს შეუძლია შექმნას და ჰქონდეთ მხოლოდ ერთი ანგარიში მხოლოდ პირადი გამოყენებისთვის;
- 3.6. მომხმარებელი პასუხისმგებელია მისი ანგარიშის შექმნის ან შენარჩუნებისთვის მიწოდებული ინფორმაციის განახლებასა და შესწორებაზე, ასევე ინფორმაციის სისწორეზე, რომელიც თანხვედრაში უნდა იყოს ამ წესებთან და პირობებთან;
- 3.7. მომხმარებელს შეუძლია ანგარიშის პარამეტრების ფარგლებში, შეინახოს, შეცვალოს ან წაშალოს პირადი ინფორმაცია, ამ წესების დაცვით;
- 3.8. მომხმარებელი აცნობიერებს და ეთანხმება, რომ შპს „ოფერს ქარდის“ არ ეკისრება პასუხისმგებლობა ნებისმიერ ინციდენტზე, რომელიც წარმოიშობა ან უკავშირდება თქვენი ანგარიშის პარამეტრებს. თქვენ ვალდებული ხართ დაიცვათ თქვენი

უსაფრთხოება და არ გაუზიაროთ პაროლი სხვა პირებს, ასევე გააკონტროლოთ თქვენი ანგარიშის გამოყენება;

3.9. მომხმარებელს არ შეუძლია მისი ანგარიშის გადაცემა, გაყიდვა ან სხვასთან გაზიარება. ამ პირობების დარღვევამ, შეიძლება გამოიწვიოს თქვენი ანგარიშის გაუქმება, რის შესახებაც 2 დღით ადრე მიიღებთ შესაბამის შეტყობინებას მითითებულ ელ.ფოსტაზე;

#### **მუხლი 4. „ოფერს ქარდით“ სარგებლობისა და მომსახურების წესები**

4.1. მომხმარებელს შეუძლია ისარგებლოს „ოფერს ქარდის“ ვებ-გვერდზე ან/და მობილურ აპლიკაციაში არსებული სააქციო შეთავაზებებით, ამ შეთავაზებებში არსებული პირობების შესაბამისად;

4.2. სააქციო შეთავაზებების პირობები მითითებულია უშუალოდ შესაბამისი შეთავაზების აღწერილობაში, მომხმარებელი ვალდებულია გაეცნოს აღნიშნულს;

4.3. ზოგიერთი სააქციო შეთავაზება შეიძლება არსებობდეს ლიმიტირებული (შეზღუდული რაოდენობით) შესაბამისად ხელმისაწვდომი შეიძლება იყოს მხოლოდ იმ მომხმარებლებისათვის, რომლებიც პირველად ისარგებლებენ აღნიშნულით;

4.4. სააქციო შეთავაზებით სარგებლობა შეუძლიათ მხოლოდ იმ რეგისტრირებულ მომხმარებლებს, რომლებსაც სააქციო შეთავაზების პერიოდში გადახდილი აქვთ ან გადაიხდიან „ოფერს ქარდის“ სერვისის ყოველთვიური გამოწერის საფასურს;

4.5. შპს „ოფერს ქარდი“ მომხმარებლებს სთავაზობს მის პარტნიორ პირებთან სხვადასხვა სააქციო შეთავაზებებს, თუმცა პლატფორმა არ არის მესაკუთრე, ასევე არ ახორციელებს პარტნიორი პირების რაიმე სახით მართვას, შესაბამისად ჩვენ ვერ გავაკონტროლებთ და ვერ ვიქნებით პასუხისმგებელი იმ სერვისებზე თუ საქონელზე, რომლის მიწვდასაც ისინი ახორციელებენ;

4.6. შპს „ოფერს ქარდი“ არ არის პასუხისმგებელი პარტნიორი პირების მიერ მიწოდებულ სერვისზე, მომსახურებასა თუ საქონელზე (მათ შორის თუკი საქონელი ნივთობრივად უნაკლო არ აღმოჩნდა), ასევე იმ შემთხვევაშიც კი თუ აღნიშნულმა გამოიწვია რაიმე სახის ზიანი/ზარალი. შესაბამისად, ნებისმიერი პრეტენზია მომხმარებლისაგან ვერ წარედგინება შპს „ოფერს ქარდს“, ხოლო პრეტენზიის შემთხვევაში მომხმარებელი უფლებამოსილია მიმართოს უშუალოდ მომსახურების, სერვისის გამწვევ პირს ან იმ პირს ვისგანაც საქონელი შეიძინა;

## **მუხლი 5. „ოფერს ქარდის“ სერვისის გამოწერა და მისი საფასურის გადახდის წესები და პირობები**

5.1. რეგისტრირებულ მომხმარებელს სხვადასხვა სააქციო შეთავაზებებით სარგებლობა შეუძლია მხოლოდ იმ შემთხვევაში თუკი ის რეგისტრაციის შემდგომ გახდება „ოფერს ქარდის გამომწერი“;

5.2. „ოფერს ქარდის“ სერვისის გამოწერისთვის მომხმარებელი გადის ავტორიზაციას და მისი პირადი გვერდიდან ახორციელებს გამოწერის სერვისის აქტივაციას, „გამოწერის“ ღირებულების საშუალებით;

5.3. გამოწერისა და საფასურის გადახდის წესი - მომხმარებელი გადახდას ახორციელებს Visa ან Mastercard ბარათით. „გამოწერის“ ღირებულების საშუალებით მომხმარებელი გადის „გადახდის“ გვერდზე, ავსებს შესაბამის ინფორმაციას ბარათის შესახებ, ხოლო შემდეგ „გადახდის“ ღირებულების საშუალებით ახორციელებს გადახდას 1 (ერთი) თვის გამოწერის საფასურს, ხოლო 1 (ერთი) თვიანი ვადის ამოწურვის შემდგომ, შემდგომი თვეების საფასურის ჩამოჭრა(გადახდა) ხდება ავტომატურად მომხმარებლის მიერ გამოყენებული ბარათის მეშვეობით. გადახდა ხდება უშუალოდ შესაბამისი გადახდის მომსახურების პროვაიდერთან და გამოყენებულ ბარათთან დაკავშირებულ ინფორმაციაზე წვდომა შპს „ოფერს ქარდი“-ს არ გააჩნია. გადახდა ჩაითვლება წარმატებულად, როდესაც მოხდება თანხის ასახვა კომპანიის ანგარიშზე

5.4. მომხმარებელს შეუძლია გამოწერა განახორციელოს ნებისმიერ დროს. თუმცა გამოწერა აქტიური იქნება საფასურის გადახდის თარიღიდან 1 თვის განმავლობაში;

5.5. მომხმარებელს გამოწერის გაუქმება შეუძლია განახორციელოს ნებისმიერ დროს, ხოლო გამოწერის გაუქმებამდე გამოწერის თვიური საფასურის გადახდა/ჩამოჭრა მოხდება ავტომატურად ამავე მუხლში მითითებული წესით;

5.6. მომხმარებელს გამოწერის გაუქმებიდან ნებისმიერ დროს შეუძლია ხელახლა განახორციელოს გამოწერა, ამ მუხლში მითითებული წესით;

5.7. ყოველთვიური მომსახურების საფასური („ოფერს ქარდის“ სერვისის გამოწერათვის) - სერვისის გამოწერის ყოველთვიური სტანდარტული საფასურს შეადგენს: 19, 99 ლარი (ცხრამეტი ლარი და ოთხმოცდაცხრამეტი თეთრი);

5.8. შპს „ოფერს ქარდი“ უფლებამოსილია ნებისმიერ დროს შეცვალოს სერვისის გამოწერის სტანდარტული საფასური, რის შესახებაც ინფორმაცია თავსდება ვებ-გვერდზე - [www.offerscard.ge](http://www.offerscard.ge)-ზე და მობილურ აპლიკაციაში, ასევე კომპანია იტოვებს უფლებას იმ მომხმარებლებს, რომლებიც სარგებლობენ გამოწერის სერვისით საფასურის ცვლილების შესახებ ინფორმაცია გაუგზავნოს მათ მიერ რეგისტრაციის დროს მითითებულ ელ.ფოსტაზე. გამოწერის საფასურის შეცვლის შემდეგ თუკი მომხმარებელი არ მოახდენს სერვისის გამოწერის გაუქმებას ეს ავტომატურად მიიჩნევა თანხმობად შეცვლილ პირობებზე;

5.9. შპს „ოფერს ქარდი“ უფლებამოსილია განახორციელოს სააქციო შეთავაზებები ან/და ფასდაკლებები, რომლებიც დროის კონკრეტულ მონაკვეთში მომხმარებლებს შეიძლება სთავაზობდეს სტანდარტული გამოწერის საფასურისაგან განსხვავებულ სერვისის გამოწერის საფასურის გადახდას (ყოველთვიური მომსახურების საფასური („ოფერს ქარდის“ სერვისის გამოწერათვის), როგორც ერთჯერადად (ერთი თვის), ასევე დროის განუსაზღვრელ მონაკვეთში. ხოლო შეთავაზების დასრულების შემდეგ მომხმარებელი გადაიხდის სტანდარტულ საფასურს. შეთავაზების დასრულების დრო და მისი ხანგრძლივობა (დროის მონაკვეთი, როცა იქნება მოქმედი გასწვავებული ტარიფი) დამოკიდებულია შპს „ოფერს ქარდის“ გადაწყვეტილებაზე. ის მომხმარებლები, რომლებიც სარგებლობენ აღნიშნული ფასდაკლებით ან სააქციო შეთავაზებით აღნიშნულის დასრულების შესახებ ინფორმაციას მიიღებენ რეგისტრაციისთვის გამოყენებულ ელ.ფოსტაზე, ხოლო მათ მიერ გამოწერის სერვისის გაგრძელება განიხილება თანხმობად სტანდარტულ საფასურთან მიმართებაში (ყოველთვიური მომსახურების საფასური („ოფერს ქარდის“ სერვისის გამოწერათვის).

## **მუხლი 6. პირადი კაბინეტის/ანგარიშის/პროფილის გაუქმება**

- 6.1. მომხმარებელს ნებისმიერ დროს შეუძლია ანგარიშის გაუქმება, რისთვისაც ის გადადის „გაუქმების“ ნაწილზე და მიჰყვება შესაბამის ინსტრუქციას;
- 6.2. გაუქმების შემდეგ იშლება მომხმარებლის ანგარიში და მასთან დაკავშირებული პერსონალური მონაცემები;
- 6.3. შპს „ოფერს ქარდი“ უფლებამოსილია გააუქმოს მომხმარებლის ანგარიში „ოფერს ქარდით სარგებლობისა და შპს „ოფერს ქარდით“ მომსახურების წესები და პირობები“-ის დარღვევის შემთხვევაში, რის თაობაზეც მომხმარებელს ეცნობება მითითებულ ელ.ფოსტაზე 3 დღით ადრე;



6.4. შპს „ოფერს ქარდი“ უფლებამოსილია გააუქმოს მომხმარებლის ანგარიში თუკი, რეგისტრაციიდან 1 წლის განმავლობაში ერთხელ მაინც არ მომხდარა „ოფერს ქარდის“ სერვისის გამოწერა, რის შესახებაც მომხმარებელი მითითებულ ელ.ფოსტაზე 2 დღით ადრე იღებს შეტყობინებას;

## **მუხლი 7. უფლება–მოვალეობები და პასუხისმგებლობა**

7.1. შპს „ოფერს ქარდის“ უფლება–მოვალეობები და პასუხისმგებლობა:

7.1.1. უფლებამოსილია წაშალოს მომხმარებლის ანგარიში ოფერს ქარდით სარგებლობისა და შპს „ოფერს ქარდით“ მომსახურების წესები და პირობების დარღვევის შემთხვევაში ამავე წესების შესაბამისად;

7.1.2. შპს „ოფერს ქარდი“ არ აგებს მომხმარებლის მიერ ნებისმიერი პირისთვის მიყენებულ ნებისმიერ ზიანზე/ზარალზე, როგორც განზრახ გამოწვეულზე, ასევე გაუფრთხილებლობით;

7.1.3. შპს „ოფერს ქარდი“ არ არის პასუხისმგებელი მისი პარტნიორი პირების მიერ მომხმარებლისთვის გაწეული მომსახურების ხარისხზე, ასევე შეძენილი საქონლის ხარისხზე, მიყენებულ ზიანზე/ზარალზე, როგორც განზრახ, ისე გაუფრთხილებლობით. აგრეთვე იმ შემთხვევაში თუკი პარტნიორი პირი საიტზე გამოქვეყნებული პირობების შესაბამისად არ ახორციელებს სააქციო შეთავაზების პირობების შესრულებას;

7.1.4. შპს „ოფერს ქარდი“ უფლებამოსილია ცალმხრივად შეცვალოს ოფერს ქარდით სარგებლობისა და შპს „ოფერს ქარდით“ მომსახურების წესები და პირობები, ასევე პერსონალურ მონაცემთა დაცვის პოლიტიკა, მოქმედი კანონმდებლობის შესაბამისად და დაცვით;

7.1.5. მოითხოვოს მომხმარებლისგან, როგორც განზრახ ისე გაუფრთხილებელი ქმედებით მიყენებული ზიანის/ზარალის (მათ შორის მიუღებელი შემოსავალი) ანაზღაურება;

7.1.6. შპს „ოფერს ქარდი“ უფლებამოსილია მომხმარებელს/მომხმარებლებს შესთავაზოს სხვადასხვა აქცია ან/და ფასდაკლება (გამოწერაზე) ან/და საჩუქარი, მათ შორის „ოფერს ქარდის“ სერვისის გამოწერის ვადის გაგრძელება დროის გარკვეული შუალედით;

## 7.2. მომხმარებლის უფლება-მოვალეობები და პასუხისმგებლობა:

7.2.1. მომხმარებელი უფლებამოსილია ისარგებლოს „ოფერს ქარდის“ სხვადასხვა სააქციო შეთავაზებებით ოფერს ქარდით სარგებლობისა და შპს „ოფერს ქარდით“ მომსახურების წესები და პირობების შესაბამისად და მოითხოვოს ნაკისრი ვალდებულებათა სრული, ჯეროვანი და კეთილსინდისიერი შესრულება;

7.2.2. მომხმარებელი უფლებამოსილია ისარგებლოს საქართველოს კანონმდებლობისა და „ოფერს ქარდით სარგებლობისა და შპს „ოფერს ქარდით“ მომსახურების წესები და პირობების“ შესაბამისად მისი უფლებებით;

7.2.3. მომხმარებელი ვალდებულია შპს „ოფერს ქარდს“ აუნაზღაუროს, როგორც განზრახ ისე გაუფრთხილებლობით მიყენებული ზიანი/ზარალი, ასევე მიუღებელი შემოსავალი.

## მუხლი 8. ცვლილებები და დამატებები

8.1. შპს „ოფერს ქარდ“ უფლებამოსილია ნებისმიერ დროს საკუთარი შეხედულებისამებრ შეცვალოს ოფერს ქარდით სარგებლობისა და შპს „ოფერს ქარდის“ მომსახურების წესები და პირობები და ასევე პერსონალურ მონაცემთა დაცვის პოლიტიკის დოკუმენტი მთლიანად ან მისი ნაწილი.

8.2. შეტანილი ნებისმიერი ცვლილება ძალაში შევა მისი გამოქვეყნებიდან ჩვენს ვებ-საიტზე ან მობილურ აპლიკაციაში;

8.3. მომხმარებელი თუ არ ეთანხმება ცვლილებებს, შეუძლია გააუქმოს ანგარიში და არ გამოიყენოს ვებ-გვერდი/მობილური აპლიკაცია და მის მეშვეობით შეთავაზებული სერვისები ცვლილებების ძალაში შესვლის შემდეგ.

8.4. მომხმარებელი ვალდებულია რეგულარულად გაეცნოს მომსახურების წესებსა და პირობებს;

8.5. რეგისტრაციით მომხმარებელი ეთანხმება რომ ჩვენს ვებ-გვერდზე/მობილურ აპლიკაციაში ცვლილებების შესახებ შეტყობინების გამოქვეყნება საკმარისია ამ ცვლილებების შესახებ თქვენი ინფორმირებისთვის, ხოლო ვებ-გვერდის/მობილური აპლიკაციის ან ჩვენი სერვისების გამოყენების ნიშნავს, რომ თქვენ ეთანხმებით აღნიშნულ ცვლილებებს და შეცვლილ მომსახურების პირობებს;

## **მუხლი 9. მხარეთა პასუხისმგებლობა და დავის გადაწყვეტა**

- 9.1. წინამდებარე ხელშეკრულებასთან დაკავშირებული და მისგან გამომდინარე დავები უნდა გადაწყდეს მხარეებს შორის მოლაპარაკების გზით.
- 9.2. შეთანხმების მიუღწევლობის შემთხვევაში დავა განხილული და გადაწყვეტილი იქნება საქართველოს კანონმდებლობის შესაბამისად საერთო სასამართლოების მეშვეობით.
- 9.3. დავის მოლაპარაკების გზით გადაუჭრელობის შემთხვევაში მხარეები უფლებამოსილნი არიან მიმართონ საქართველოს შესაბამის სასამართლოს შპს „ოფერს ქარდის“ არჩევის შესაბამისად, საქართველოს მოქმედი კანონმდებლობის შესაბამისად;

## **მუხლი 10. კონფიდენციალურობა**

- 10.1. შპს „ოფერს ქარდის“ ვებ-გვერდსა და მობილურ აპლიკაციაში ხელმისაწვდომია პერსონალურ მონაცემთა დაცვის პოლიტიკის დოკუმენტი, რომელიც ასევე ერთვის ამ წესებსა და პირობებს და რომელზეც დათანხმება აუცილებელი პირობაა რეგისტრაციის დასასრულებლად და ასევე, რომელზეც ასევე მოქმედებს ეს წესები და პირობები;
- 10.2. ვებ-გვერდზე [www.offerscard.ge](http://www.offerscard.ge)-ზე ან მობილურ აპლიკაციაში რეგისტრაციით და წინამდებარე წესებსა და პირობებზე დათანხმებით, მომხმარებელი ადასტურებს, რომ გაეცნო და ეთანხმება პერსონალურ მონაცემთა დაცვის პოლიტიკას, ვებ-გვერდით და მობილური აპლიკაციით სარგებლობის ყველა წესსა და პირობას.

## **მუხლი 11. ფორს-მაჟორი**

- 11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარო საჩივრების გამოყენებას.
- 11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეთა შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

## **მუხლი 12. მოქმედების ვადა**

12.1. წინამდებარე წესები და პირობები, მისი დანართები, ასევე მასში განხორციელებული ნებისმიერი ცვლილება/დამატება, მოქმედებს მომხმარებლის მიერ ანგარიშის გაუქმებამდე;

### **მუხლი 13. საავტორო უფლებები**

13.1. აკრძალულია ვებ-გვერდზე განთავსებული კონტენტი სრულად ან ნაწილობრივ გამოყენება;

### **მუხლი 14. დასკვნითი დებულებები**

14.1. ურთიერთობები რომლებიც არ არის რეგულირებული წინამდებარე წესებითა და პირობებით, გადაწყდება მოქმედი კანონმდებლობის შესაბამისად;

14.2. ამ წესებისა და პირობების ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში, „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს ამავე ხელშეკრულების შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა/ხარვეზი არ შეესაბამება ამ წესებისა და პირობების სათანადო წინადადებას/წინადადებებს ან შინაარსს, მას (ხარვეზი/შეცდომა) ამ წესებისა და პირობების შინაარსთან (განმარტებასთან) დაკავშირებით, არ ექნება (არ მიენიჭება) რაიმე მნიშვნელობა;

14.3. ამ წესებისა და პირობების რომელიმე მუხლის გაუქმდება, ეს არ გამოიწვევს სხვა მუხლების მოქმედების შეწყვეტას;

14.4. ამ წესებისა და პირობების დანართი/დანართები (არსებობის შემთხვევაში), ცვლილებები წარმოადგენს ამ წესებისა და პირობების განუყოფელ ნაწილს;

14.5. შპს „ოფერს ქარდ“ უფლებამოსილია ნებისმიერ დროს და ცალმხრივად, ვებ-გვერდზე/მოხილურ აპლიკაციაში გამოქვეყნების გზით, შეიტანოს ცვლილებები ამ წესებსა და პირობებში, ასევე პერსონალურ მონაცემთა დაცვის პოლიტიკის დოკუმენტში მომხმარებლის შემდგომი დამატებითი თანხმობის გარეშე ამავე წესებისა და პირობების დაცვით.